

Իշխանքն Տաճկաց և մուշավէրէ առնէին: Եւ մի ձայն ազազակի ել թէ Փակեցէ՛ք զխանութս. եւ ամենեքեան փակեցին եւ պէզոյտանս եւս եւ ապա բացին: Եւ մուշետիկն ձայնեալ թէ Մի տուրկեր չի բանի ի քաղաքս և երթան ի թէրսխանա էմինի քոփն խօսակցին: Եւ ժԲ պէկլէրպէկի թալին արարին յԱնատօլի զի զաւազակն ըմբռնեալ սպանցեն: Եւ դարձեալ աւուրքս ձայնեաց մուշետիկն յամենայն տեղիս թէ Որ և իցեն ծառայ թագաւորին՝ թո՛ղ տեսցեն պատրաստութիւն պատերազմի, զի թագաւորն ի պատերազմ երթալոց է ցամաքով ի վերայ Ֆռանկին: Եւ օրս էանց դեսպանն Հնդկաց ի յՈւսկիւտարն՝ երթալ յերկիրն իւր, եւ թագաւորն բազում պարզեւս ետ նմա:

Եւ աւուրքս մտանէին ի վէզիրն Վարդապետն եւ Ռուհիճանն տեսանել զբանն Երուսաղէմայ. և վէզիրն ձայնեալ ի Յունաց զմի ոմն մեծ ի նոցանէ եւ ասացեալ թէ Ուրբաթի օրս Դ Ե մարդ ի ձեզանէ եւ Դ Ե մարդ այլ ի Հայոցն եկէք եւ տեսանեաք թէ զի՛նչ է ձեր կռիւն ընդ միմեանս. եւ եթէ բազում ամբօխիւ դայցէք աստ, որպէս ի ժամանակ Սուլէյման փաշային, որ զսարայ նորա կոխեցիք, ես նման նմա չեմ. այլ թէ այնպէս առնելոց էք՝ եւ ես ի ձեզանէ յամէն եկեղեցոյ դրան ժաւկան մարդ կու կախեմ: Եւ նա ի դողի լեալ եւ ելեալ երթայ:

Եւ Ուրբաթ օրս (29 Օգոստ.) ելեալ գնացին ի տիււան վէզիրին ի Հոռոմոցն և ի Հայոցն և բանալ ետուն զմեծ տէֆտէրխանան և գտին զի Հապաշն մեր էր, և զայլ էմբերն որ գտին ըռէհին լեալ ի մօտ ումեմն՝ և զայն ևս ցոյց¹⁾ տվեալ և կարգացին առաջի տիււանին: Եւ վէզիրն ասացեալ ընդ զազիէսքէրիցն թէ Զի՛նչ ասէք այսմ բանի. եւ նոքա ասեն՝ Հասու եղաք որ

1) ցուց.